

明心語錄

★ 吳文進 常務理事 ★

明心語錄 卷伍

其一

天命之謂性，率性之謂道，修道之謂教，地維賴以立，天柱賴以尊，三綱實係命，道義為之根。

其二

自強不息，即誠之功，可見「誠」字乃徹上徹下道德，希聖希聖工夫也。至誠為本，萬事順也。

其三

修道之術，修心之學。存心養性，須知耐煩、耐苦、耐驚、耐怕，方得純熟。有成之日，必在其法之中。

其四

每日靜坐一、二小時，求其放心，常使清明在躬，氣志如神，夢劇不亂，寵辱不驚，他日一切成就，皆基於此。

其五

世路風霜，吾人鍊心之境。世情冷煖，吾人忍性之地。世事顛倒，吾人修行之資。世間輪轉，吾人學道之法也。

其六

尚自然重謙讓，處下守柔，知止不爭，安貧樂道，樂天知命。我命我在，不屬他人之地。知足人生觀為要。

其七

以虛養心，以德養身，以仁養天下萬物，以道養天下萬世。涵養冲虛，便是身世學問，省除煩惱，何等心性安和。

其八

天下事不如意者，固十常八九，總在能堅而不煩，勞而不避，乃能期於有成，有志者事竟成也。

其九

存心則緝熙光明，如日之升。修容則正位凝命，如鼎之鎮。內外教養，敬義夾持，何患無上達。

其十

正室之中神之所居，洗心自治無敢污。歷觀五臟視節度，六腑修治潔如素，虛無自然道之故。

歲在壬辰年葭月廿四日吳文進筆 2013.01.05

